





卷首应为91

志卷第四十一上

元史九十二

南京國子監祭酒侯恪

司業謝德溥補刊

百官七

行中書省凡十秩從一品掌國庶務統郡縣鎮邊鄙與都省為表裏國初有征伐之役分任軍民之事皆稱行省未有定制中統至元間始分立行中書省因事設官官不必備皆以省官出領其事其丞相皆以宰執行某處省事繫銜其後嫌於外重改為某處行中書省凡錢糧兵甲屯種漕運軍國重事無不領之

至元二十四年改行尚書省尋復如舊至大二年又  
改行尚書省二年復如舊每省丞相一員從二品平  
章二員從一品右丞二員左丞一員正二品叅知政  
事二員從二品甘肅嶺北二省各減二員郎中二員  
從五品員外郎二員從六品都事二員從七品掾史  
蒙古必闡赤回回令史通事知印宣使各省設員有  
差舊制叅政之下有簽省有同簽之屬後罷不置丞  
相或置或不置尤慎於擇人故徃徃缺焉

河南江北等處行中書省至元五年罷隨路奧魯官  
詔叅政阿王僉行省事于河南等路立省二十八年

以河南江北係要衝之地又新入版圖宜於汴梁立  
省以控治之遂署其地統有河南十二路七府

江浙等處行中書省至元十三年初置江淮行省治  
揚州二十一年以地理民事非便遷于杭州二十二  
年割江北諸郡隸河南改曰江浙行省統有三十路  
一府

江西等處行中書省至元十四年置十五年併入福  
建行省十七年仍置省于龍興府而福建自爲行省  
治泉州二十二年以福建行省併入江西二十三年  
又以福建省併入江浙本省統有十八路

湖廣等處行中書省至元十一年右丞相伯顏伐宋  
行中書省事于襄陽尋以別將分省鄂州爲荆湖等  
路行中書省十三年取潭州卽署省治之十八年復  
徙置鄂州統有三十路三府四平置十五平州八府  
陝西等處行中書省中統元年以商挺領秦蜀五路  
四川行省事三年改立陝西四川行中書省治京兆  
至元三年移治利州十七年復還京兆十八年分省  
四川尋改立四川宣慰司二十一年仍合爲陝西四  
川行省二十三年四川立行樞密院本省所轄之地  
惟陝西四路五府宣慰司又添入

四川等處行中書省國初其地總于陝西至元十八  
年以陝西行中書分省四川二十三年始置四川行  
省署成都統有九路五府其置又  
遼陽等處行中書省至元二十四年置治遼陽路統  
有七路一府其置又

甘肅等處行中書省中統二年立行省于中興十年  
罷之十八年復立二十二年復罷改立宣慰司二十  
三年徙置中興省于甘州立甘肅行省三十一年分  
省按治寧夏尋併歸之本省治甘州路統有七路二  
州其置又



都鎮撫司都鎮撫一員副都鎮撫一員

宣慰司掌軍民之務分道以總郡縣行省有政令則布于下郡縣有請則為達于省有邊陲軍旅之事則兼都元帥府其次則止為元帥府其在遠服又有招討安撫宣撫等使品秩員數各有差等

宣慰使司秩從二品每司宣慰使三員從二品同知一員從三品副使一員正四品經歷一員從六品都事一員從七品照磨兼架閣管勾一員正九品凡六道

山東東西道

益都路置

河東山西道

太同路置

淮東道

揚州置

東道

慶

路

荆湖北道

中興路置

南道

天監

置

宣慰使司都元帥府秩從

一品使三員同知二員副

使二員經歷二員知事二

員照磨兼架閣管勾一員

廣東道

廣州置

金齒等處

家慶等處

右二府設官如上唯不慶一府使二員同知副

使各一員經歷都事一員

廣西兩江道

兼江

海南道

福建道

順元等處

察罕腦兒等

右五府宣慰使都元帥三員副都元帥兼都元帥事各二員餘同上

宣慰使兼管軍萬戶府每六府宣慰使三員同知副使各一員經歷一員都事二員以照磨兼管勾一員

曲靖等路

羅羅斯

臨安廣西道元江等處

都元帥府都元帥二員副元帥二員經歷知事各一員

員

北庭隸土宣慰司

曲先塔林都元帥三員

蒙古軍

征東副一府都元帥各一員

元帥府秩正三品達魯花赤一員元帥二員經歷知事各一員

事各一員

李店文州

懷城河里洋脫

朶甘思

富陽

岷州

積石州

洮州路

朶思馬路

十八族

右九府李店文州

增置同知副元帥各一員

其餘八府隸土蕃宣

總司設官並同

宣撫司秩正三品每司達  
魯花赤一員宣撫一員同  
知副使各二員僉事一員  
計議經歷知事各一員提  
控案牘架閣一員損益不  
同者各附見于後

廣南西道 不置副使僉事

順元等處

思州 以上隸湖廣省

安撫司秩正三品每司達

同知副使僉事各一員經

者各附見于後

師壁洞 不置副使魯花赤

永順等處

魯花赤一員宣撫一員同

計議經歷知事各一員提

同者各附見于後

麗江路 以上隸雲南

播州

叙南等處 隸四川行省不置僉事計議

魯花赤一員安撫使一員

歷知事各一員損益不同

散毛洞 以上隸四川省

羅番邊蠻軍 不置魯花赤

程番武盛軍

金石番太平軍

臥龍番南寧州

小龍番靜蠻軍 不置知副使

大龍番應天府

洪番永盛軍

方番河中府

蘆番靜海軍 不置知事

新添葛蠻 以上隸湖廣省

招討司秩正三品達魯花赤一員招討使一員經歷

一員

土蕃

刺馬剛等處

天全

倂不思

沿邊溪洞

以下各置副使一員無達魯花赤

唆尼

諸番

征沔

長河西裏管軍

檐裏管軍

脫思馬田地

諸路萬戶府

上萬戶府管軍七千之上達魯花赤一員萬戶一

員俱正三品虎符副萬戶一員從三品虎符

中萬戶府管軍五千之上達魯花赤一員萬戶一

員俱從三品虎符副萬戶一員正四品金牌

下萬戶府管軍三千之上達魯花赤一員萬戶一

員俱從三品虎符副萬戶一員從四品金牌其官

皆世襲有功則陞之每府設經歷一員從七品知

事一員從八品提控案牘一員

鎮撫司鎮撫二員蒙古漢人參用上萬戶府正

五品中萬戶府從五品俱金牌下萬戶府正

六品銀牌

上千戶所管軍七百之上達魯花赤一員千戶

一員俱從四品金牌副千戶一員正五品金

牌

中千戶所管軍五百之上達魯花赤一員千戶

一員俱正五品金牌副千戶一員從五品金牌

下千戶所管軍三百之上達魯花赤一員千戶一員俱從五品金牌副千戶一員正六品銀

牌

彈壓二員蒙古漢人參用上千戶所從八品中下二所正九從九品內銓注

實上百戶所百戶二員蒙古一員漢人一員俱從六品銀牌

實下百戶所百戶一員從七品銀牌

儒學提舉司秩從五品各處行省所署之地皆置一司統諸路府州縣學校祭祀教養餼糧之事及考校呈進著述文字每司提舉一員從五品副提舉一員從七品吏目一人司吏二人

蒙古提舉學校官秩從五品提舉一員從五品同提舉一員從七品至元十八年置惟江浙湖廣江西三省有之餘省不置

官醫提舉司秩從六品提舉一員同提舉一員副提舉一員掌醫戶差役詞訟至元二十五年置河南江浙江西湖廣陝西五省各立一司餘省並無

兩淮都轉運鹽使司秩正三品國初兩淮內附以提  
舉馬里范章專掌鹽課之事至元十四年始置司于  
揚州使二員正三品同知二員正四品副使一員正  
五品運判二員正六品經歷一員從七品知事一員  
從八品照磨一員從九品三十年悉罷所轄鹽司以  
其屬置場官大德四年復置批驗所于真州采石等  
處

鹽場二十九所每場司令一員從七品司丞一員  
從八品管勾一員從九品辦鹽各有差  
呂四場 餘東場 餘中場 餘西場

西亭場	金沙場	石港場	掘港場
豐利場	馬塘場	拚茶場	角斜場
富安場	安豐場	梁梁場	東臺場
河梁場	丁奚場	小海場	草堰場
白駒場	劉莊場	五祐場	新興場
廟灣場	莞瀆場	板浦場	臨洪場
徐瀆浦場			

批驗所每所提領一員正七品大使一員正八品  
副使一員正九品掌批驗鹽引  
兩浙都轉運鹽使司秩正三品使二員同知三員運

判二員經歷知事各一員照磨一員至元十四年置  
司杭州大德三年定其產鹽之地立場有差仍於杭  
州嘉興紹興溫台等處設檢校四所專驗鹽袋毋過  
常度

鹽場三十四所每所司令一員從七品司丞一員  
從八品管勾一員從九品

- |     |     |     |     |
|-----|-----|-----|-----|
| 仁和場 | 許村場 | 西路場 | 下沙場 |
| 青村場 | 表部場 | 浦東場 | 橫浦場 |
| 蘆瀝場 | 海沙場 | 鮑郎場 | 西興場 |
| 錢清場 | 三江場 | 曹娥場 | 石堰場 |

- |     |     |     |      |
|-----|-----|-----|------|
| 鴻鶴場 | 清泉場 | 長山場 | 穿山場  |
| 袋山場 | 玉泉場 | 蘆花場 | 大嵩場  |
| 昌國場 | 永嘉場 | 雙穗場 | 天富南監 |
| 長林場 | 黃巖場 | 杜瀆場 | 天富北監 |
| 長亭場 | 龍頭場 |     |      |

福建等處都轉運鹽使司秩正三品使二員同知二  
員運判二員經歷知事各一員照磨一員至元十四  
年始置市舶司領煎鹽徵課之事二十四年改立鹽  
運司二十九年罷立提舉司大德四年復爲運司九  
年復罷併入元帥府兼掌之十年復立都提舉司至

元史志卷四十一  
大四年復陞運司徑隸行省凡置鹽場七所

鹽場七所每所司令一員從七品司丞一員從八

品管勾一員從九品

海口場 牛田場 上里場 惠安場

薄美場 涪州場 沔州場

廣東鹽課提舉司至元十三年始從廣州煎辦鹽課

十六年隸江西鹽鐵茶都轉運司二十二年併入宣

慰司二十三年置市舶提舉司大德四年改廣東鹽

課提舉司提舉一員從五品同提舉一員從六品副

提舉一員從七品其屬附見

鹽場十三所每所司令一員從七品司丞一員從

八品管勾一員從九品

靖康場 歸德場 東莞場 黃田場

香山場 姪峒場 雙恩場 咸水場

漆水場 石橋場 隆井場 招收場

小江場

四川茶鹽轉運司成都鹽井九十五處散在諸郡山

中至元二年置興元四川轉運司專掌煎熬辦課之

事八年罷之十六年復立轉運司十八年併入四道

宣慰司十九年復立陝西四川轉運司通轄諸課程

兩廂侯謝修  
事二十二年置四川茶鹽運司秩從三品使一員同知副使運判各一員經歷知事照磨各一員

鹽場一十二所每所司令一員從七品司丞一員從八品管勾一員從九品

簡鹽場 隆鹽場 綿鹽場 潼川場

遂實場 順慶場 保寧場 嘉定場

長寧場 紹慶場 雲安場 大寧場

廣海鹽課提舉司至元二十一年置專職鹽課秩正四品都提舉二員從四品同提舉二員從五品副提舉二員從六品知事一員提控案牘一員

市舶提舉司至元二十三年立塩課市舶提舉司隸廣東宣慰司三十年立海南博易提舉司至大四年罷之禁下番船隻延祐元年弛其禁改立泉州廣東慶元三市舶提舉司每司提舉二員從五品同提舉二員從六品副提舉二員從七品知事一員

海道運糧萬戶府至元二十年置秩正三品掌每歲海道運糧供給大都達魯化赤一員萬戶一員並正三品副萬戶四員從三品經歷一員從七品知事一員從八品照磨一員從九品鎮撫二員正五品其屬附見

海運千戶所秩正五品達魯花赤一員千戶二員  
並正五品副千戶三員從五品若溫台若慶元紹  
興若杭州嘉興若崑山崇明常熟江陰等處凡五  
所而平江又有海運香莎糯米千戶所

諸路總管府至元初置二十年定十萬戶之上者爲  
上路十萬戶之下者爲下路當衝要者雖不及十萬  
戶亦爲上路上路秩正三品達魯花赤一員總管一  
員並正三品兼管勸農事江北則兼諸軍奧魯同知  
治中判官各一員下路秩從三品不置治中員而同  
知如治中之秩餘悉同上至元二十三年置推官二

員專治刑獄下路一員經歷一員知事一員或二員  
照磨兼承發架閣一員司吏無定制隨事繁簡以爲  
多寡之額譯史通事各一人其屬附見

儒學教授一員秩九品諸路各設一員及學正一  
員學錄一員其散府上中州亦設教授一員下州  
設學正一員

蒙古教授一員正九品

醫學教授一員

陰陽教授一員

司獄司司獄一員丞一員

平準行用庫提領大使副使各一員

織染局局使一員副使一員

雜造局大使一員副使一員

府倉大使一員副使一員

惠民藥局提領一員

稅務提領一員大使副使各一員

錄事司秩正八品凡路府所治置一司以掌城中

戶民之事中統二年照驗民戶定爲員數二千戶

以上設錄事司候判官各一員二千戶以下省判

官不置至元二十年置達魯花赤一員省司候以

一判官兼捕盜之事典史一員若城市民少則不置

司歸之倚郭縣在兩京則爲警巡院獨杭州置四

司後省爲左右兩司

散府秩正四品達魯花赤一員知府或府尹一員領

勸農與魯與路同同知一員判官一員推官一員知

事一員提控案牘一員所在有隸諸路及宣慰司行

省者有直隸省部者有統州縣者有不統縣者其制

各有差等

諸州中統五年併立州縣及有等差至元三年定三  
萬五千戶之一者爲止州六千戶之上者爲中州六

千戶之下者爲下州江南旣平三十年又定其地五萬戶之上者爲上州三萬戶之上者爲中州不及三萬戶者爲下州於是陞縣爲州者四十有四縣戶雖多附路府者不改上州達魯花赤州尹秩從四品同知秩正六品判官秩正七品中州達魯花赤知州並正五品同知從六品判官從七品下州達魯花赤知州並從五品同知正七品判官正八品兼捕盜之事叅佐官上州知事提控案牘各一員中州吏目提控案牘各一員下州吏目一員或二員

諸縣至元三年合併江北州縣六千戶之上者爲上縣一千戶之上者爲中縣不及二千戶者爲下縣二十年又定江淮以南三萬戶之上者爲上縣一萬戶之上者爲中縣一萬戶之下者爲下縣上縣秩從六品達魯花赤一員尹一員丞一員簿一員尉一員典史二員上縣秩正七品不置丞餘悉如上縣之制下縣秩從七品置官如中縣民少事簡之地則以簿絕尉後又別置尉尉主捕盜之事別有印典史一員巡檢司從九品巡檢一員

諸軍唯邊遠之地有之各統屬縣其秩如下者其設官置吏亦如之

諸蠻夷長官司西南夷諸溪洞各置長官司秩如下  
州達魯花赤長官副長官叅用其土人為之  
各處脫脫禾孫掌辨使臣奸偽正一員從五品副一

員正七品

勲一十階

上柱國

正一品

柱國

從一品

上護軍

正二品

護軍

從二品

上輕車都尉

正三品

輕車都尉

從三品

上騎都尉

正四品

騎都尉

從四品

驍騎尉

正五品

飛騎尉

從五品

爵八等

王 正一品

郡王

從一品

國公

正一品

郡公

從二品

郡侯

正二品

郡侯

從三品

郡伯

正四品

郡伯

從四品

縣子

正五品

縣男

從五品

右勲爵若上柱國郡王國公時有除拜者餘則  
止於封贈用之

文散官四十二

開府儀同三司

儀同三司

特進

崇進

金紫光祿大夫

銀青光祿大夫

以上俱正一品

光祿大夫

榮祿大夫 以上從一品

資德大夫

資政大夫

資善大夫 以上正二品

正奉大夫

通奉大夫

中奉大夫 以上從二品

正議大夫

通議大夫

嘉議大夫 以上正三品

太中大夫

中大夫

亞中大夫 以上從三品舊為少中延祐改亞中

中議大夫

中憲大夫

中順大夫 以上正四品

朝請大夫

朝散大夫

朝列大夫 以上正四品

奉直大夫

奉議大夫 以上正五品

承直郎

奉訓大夫 以上從五品

承直郎

承直郎 以上正六品

儒林郎

承務郎 以上從六品

文林郎

承事郎 以上正七品

徵事郎

從事郎 以上從七品

登仕郎

將仕郎 以上正八品

登仕佐郎

將仕佐郎 以上正八品

右文散官四十二階由一品至五品為宣授六品至九品為勅授勅授則中書署牒宣授則以

制命之一品至五品者服紫六品至七品者服  
緋八品至九品者服綠武官以下皆如之其官  
常對品惟九品無散官則但舉其職而已武官  
雜職亦如之

武散官三十四階

龍虎衛上將軍

金吾衛上將軍

驃騎衛上將軍

以上正二品

奉國上將軍

輔國上將軍

鎮國上將軍

以上從二品

昭武大將軍

昭勇大將軍

昭毅大將軍

以上正三品

安遠大將軍

定遠大將軍

懷遠大將軍

以上從三品

廣威將軍

宣威將軍

明威將軍

以上正四品

信武將軍

顯武將軍

宣武將軍

以上從四品

武節將軍

武德將軍

以上正五品

武義將軍

武略將軍

以上從五品

承信校尉

昭信校尉

以上正六品

忠武校尉

忠顯校尉

以上從六品

忠勇校尉

忠翊校尉

以上正七品

修武校尉

敦武校尉

以上從七品

保義校尉

進義校尉

以上正八品

保義副尉

進義副尉

以上從八品

右武散官三十四階自龍虎衛上將軍至進義

副尉由正二品至從八品其餘授具前

內侍散官一十四

中散大夫

正二品

中引大夫

從二品

中御大夫

正三品

侍中大夫

從三品

中衛大夫

正四品

中涓大夫

從四品

通侍郎

正五品

通御郎

從五品

侍直郎

正六品

內直郎

從六品

司謁郎

正七品

司閣郎

從七品

司奉郎

正八品

司引郎

從八品

右內侍品秩一十四階自中散至司引由正二

品至從八品其餘授具前

司天散官一十四

欽象大夫

從三品

明時大夫

頒朔大夫

以上正四品

保章大夫

從四品

玄大夫

正五品

授時郎

從五品

靈臺郎

正六品

候儀郎

從六品

司正郎

正七品

平秩郎

從七品

正紀郎

挈壺郎以上正八品

司曆郎

司辰郎以上正八品

右司天品秩一十四階自欽象至司辰由從三品至從八品其餘授具前

太醫散官一十五

保宜大夫

保康大夫以上從三品

保安大夫

保和大夫以上正四品

保順大夫從四品

保冲大夫正五品

保全郎從五品

成安郎正六品

保和郎從六品

成全郎正七品

醫正郎從七品

醫効郎

醫候郎以上正八品

醫痊郎

醫愈郎以上從八品

右太醫品秩一十五階自保宜至醫愈亦由從三品至從八品其餘授具前

教坊司散官十五

雲韶大夫

僊韶大夫以上從三品

長寧大夫

德和大夫以上正四品

協律大夫從四品

嘉成大夫正五品

純和郎從五品

調音郎正六品

兩府侯謝修  
元史卷四十一

司樂郎從六品

協樂郎正七品

和樂郎從七品

司音郎

司律郎以上正八品

和聲郎

和節郎以上從八品

右教坊品秩一十五階自雲韶至和節由從三

品至從八品其餘授具前

卷第四十一上

元史九十二

志卷第四十一下

元史九十二

南京國子監祭酒侯恪

司業謝德溥補刊

百官八

元之官制其大要具見于前自元統至元以來頗有沿革增損之異至正兵興四郊多壘中書樞密俱有各省分院而行中書省行樞密院增置之外亦有分省分院自省院以及郡縣又各有添設之員而各處總兵官以便宜行事者承制擬授具姓名以軍功奏聞則宣命勅牒隨所索而給之無有考覈其實者於

是名爵日濫紀綱日紊疆宇日蹙而遂至于亡矣惜其掌故之文缺軟不完今據有司所送上者緝而載之以附前吉庶覽者得以參考其得失治亂之槩云  
中書省元統三年七月中書省奏請自今不置左丞相十月命伯顏獨長公司詔天下至元五年十月加右丞相伯顏爲大丞相六年十月命脫脫爲右丞相復置左丞相至正七年置議事平章四人十二年二月以賈魯爲添設左丞三月以悟良哈台爲添設叅知政事七月又以杜秉彝爲添設叅政八月以哈麻爲添設右丞十三年六月命皇太子領中書令如舊

制十四年九月以呂思誠爲添設左丞二十七年八月以樞密知院蠻子爲添設第三平章以太尉帖里帖木兒爲添設左丞相

中書分省至正十一年置中書分省于濟寧以松壽爲叅知政事十二年二月中書右丞玉樞虎兒吐華左丞韓大雅關分省于彰德十四年升濟寧分省叅政帖里帖木兒爲平章政事是後嘗置右丞以守禦焉十五年四月彰德分省除右丞左丞各一員十七年七月以平章谷蘭叅政俺普崔敬分省陵州十一月平章臧卜分省與寧十八年三月掃地王沙劉陷

與寧城卜遁五月二劉北行總兵官察罕帖木兒遣  
瑣住院判來與寧鎮守城卜復回十九年城卜卒二  
十年正月以右丞不花參政王時分省與寧二月鐵  
甲韓至分省官皆遁二十一年以平章荅蘭鎮守二  
十二年荅蘭還京師以左丞刺馬乞刺參政脫木兒  
領分省事二十三年三月又以平章愛不花鎮之八  
月擴廓帖木兒兵至與寧分省遂罷二十七年八月  
以添設平章蠻子兼知院分省保定九月命太保左  
丞相也速統領軍馬分省山東沙藍荅里仍中書左  
丞相知樞密院分省大同以哈刺那海爲大同分省

平章阿剌不花爲參知政事又置分省于與寧陞與  
寧總管爲參政鑄印與之凡事必咨大同分省而後  
行之十月又置分省于真定

六部至元三年十二月伯顏太師等奏准吏部考功  
郎中員外郎主事各設一員至正元年三月吏部置  
司績一員正七品掌百官行止以憑叙用廢襲六月  
中書奏准戶部事繁見設司計四員宜依前至元二  
十八年例添設二員十一月吏禮兵刑分爲二庫戶  
工二部分二庫各設管勾一員十二年正月刑部添  
設尚書侍郎郎中員外郎各一員十五年十月濟寧

兩廂侯謝修  
分省置兵刑工戶四部

樞密院至正七年知樞密院阿吉利奏樞密院故事亦設議事平章二人有旨令復置十三年六月令皇太子領樞密使如舊制十五年四月添設僉院一員院判二員

樞密分院至正十五年三月置樞密分院于衛輝四月彰德分院添設同知副樞各一員都事一員直沽分院添設副樞一員都事一員十六年又置分樞密院于沂州以指揮使司隸焉

大宗正府至元元年閏十二月中書省奏准世祖時立大宗正府至仁宗添設立大字令宜遵世祖舊制仍爲大宗正府至正十年十一月大宗正府添設掌判二員

宣文閣至元六年十一月罷奎章閣學士院至正元年九月立宣文閣不置學士唯授經郎及監書博士以宣文閣繫銜云

崇文監至元六年十二月改藝文監爲崇文監至正元年三月奉旨令翰林國史院領之

詳定使司至正十七年七月置四方獻言詳定使司正三品掌考其所陳之言擇其善者以聞于上而舉

行之詳定使二員正三品副使二員正四品掌書記二員正七品中書官提調之

司禮監至正元年十二月中書省依世祖故事復立司禮監給四品印掌師翁祭祀祈禱之事置內監少監監丞各二員知事一員譯史令史奏差各二名自後復升爲三品

延徽寺至元六年二月中書省奉旨依累朝故事起蓋懿璘質班皇帝幹耳朶置延徽寺以掌之

規運提點所至元六年十一月罷大禧宗禮院隆祥使司十二月中書奏以宗禮院所轄會福崇福隆禧

壽福四總管府并隆祥使司俱改爲規運提點所正五品仍添置萬寧提點所一處並隸宣政院

諸路寶泉都提舉司至正十年十月置其屬有鼓鑄局正七品永利庫從七品掌鼓鑄至正銅錢印造交鈔

徽政院元統元年十二月依太皇太后故事爲皇太后后置徽政院設立官屬二百六十有六員

資正院至元六年十二月中書省奉旨爲完者忽都皇后置資正院正二品院使六員同知僉院同僉院判各二員首領官經歷都事各二員管勾照磨各一

元史志卷四十二 五  
員將昭功萬戶府司屬除已罷繕工司外集慶路錢糧并入有司每年驗數撥付資正院其餘司屬並付資正院領之自後正宮皇后崩冊立完者忽都爲皇后改置崇政院

東宮官屬至正六年四月立皇太子宫傳府以長吉等爲宮傳官時太子猶未受冊寶至九年冬立端本堂爲皇太子學宮置諭德一員正二品贊善二員正三品文學二員正五品正字二員正七品司經二員正七品十三年六月冊立皇太子定置皇太子賓客二員正二品左右諭德各一員從二品左右贊善各

一員從三品文學二員從五品中庶子中允各一員從六品

詹事院至正十三年六月立詹事院罷宮傳府置詹事二員從一品同知詹事二員正二品副詹事二員從二品詹事丞二員正三品首領官四員中議二員從五品長史二員從六品管勾照磨各一員正八品蒙古必闍赤六人回回掾史二人掾史十人知印二人怯里馬赤二人宣使十人其屬有家令司家令二員正三品二員正四品家丞二員正五品典簿二員從七品照磨一員正九品有府正司府正二員正三

品府丞二員正五品典簿二員從七品照磨一員正  
九品有典寶監典寶卿二員正三品大監二員從三  
品少監二員從四品監丞二員正五品經歷一員從  
七品知事一員從八品照磨一員正九品有儀衛司  
指揮二員從四品副二員從五品知事一員從八品  
十一月置典藏庫從五品掌收皇太子錢帛十七年  
十月置分詹事院詹事一員同知副使各一員詹事  
丞二員經歷一員都事二員照磨兼架閣一員斷事  
官二員知事一員

大撫軍院二十七年八月乙巳命皇太子總天下軍

馬九月皇太子置大撫軍院從一品知院四員同知  
二員副使一員同僉一員首領官經歷都事各二員  
照磨兼管勾一員二十八年閏七月詔罷之

大都分府至正十八年三月東安瀋州柳林日有警  
報京師備禦四隅俱立大都分府其官吏數視都府  
減半

警巡院至正十一年七月陞左右兩巡院爲正五品  
十八年又於大都在城四隅各立警巡分院官吏視  
本院減半

行中書省至正十二年正月江西江淞行省皆除添

設平章陝西行省除添設右丞閏三月置淮南江北等處行中書省于揚州以淮西宣慰司兩淮鹽運司揚州淮安徐州唐州安豐蘄黃皆隸焉除平章二員右丞左丞各一員叅政二員及首領官屬官共二十五員爲頭平章兼提調淮南王傅府事至十一月始鑄淮南江北等處行中書省印給之是年江淞行省添設右丞叅政四川行省添設叅政十六年五月置福建等處行中書省于福州鑄印設官一如各處行省之制以江淞行中書省平章左丞納失里南臺中丞阿魯以沙爲福建行中書省平章政事福建閩海道

廉訪使莊嘉爲右丞福建元帥吳鐸爲左丞司農丞訥都赤益都路總管卓思誠爲叅政以九月至福州罷帥府開省署十七年九月置山東行省以大司農哈刺章爲平章政事鑄印與之十八年福建行省右丞朶歹分省建寧叅政訥都赤分省泉州二十三年三月置廣西行中書省以廉訪使也兒吉尼爲平章政事又置膠東行省于萊陽總制東方事二十六年八月置福建江西等處行中書省

行樞密院至元三年伯顏右丞相奏准於四川及湖廣江西之境及江淞凡三人各置行樞密院以鎮遏

兩廂俟謝修  
好亂之民每處設知院一員同知僉院院判各一員  
湖廣江西二省所轄地里險遠添設同僉一員各院  
經歷一員都事二員照磨一員客省副使一員斷事  
官一員蒙古必閣赤二人掾史六人宣使六人知印  
怯里馬赤各一人斷事官譯史一人令史二人怯里  
馬赤知印各一人奏差二人至四年二月遂罷之至  
正十三年五月嶺北行樞密院添設斷事官二員先  
已設四員共六員又立鎮撫司除鎮撫二員立管勾  
所置管勾一員兼照磨後又添設僉院二員都事  
員十五年十月置淮南江北等處行樞密院于揚州

十二月河南行樞密院添設院判一員十六年三月  
置江淅行樞密院于杭州知院二員同知二員副樞  
二員僉院二員同僉二員院判二員首領官經歷知  
事各一員斷事官二員經歷一員十八年以參政崔  
敬為山東等處行樞密院副使分院於潮州兼領屯  
田事十九年八月以察罕帖木兒為河南行省平章  
政事兼河南山東等處行樞密院知院二十六年八  
月置福建江西等處行樞密院  
行御史臺至正十六年九月二十八日命太尉納  
為江南諸道行御史臺御史大夫以次官負各依等

第選用是日御史臺奉旨移置行臺于紹興十一月  
合臺官屬開臺署事是年置河南廉訪司于沂州十  
十八年御史臺奏准江西湖東道肅政廉訪司權於  
建寧路開司署事二十二年九月權置山地廉訪司  
于惠州二十三年六月濟南路復置肅政廉訪司二  
十五年閏十月御史大夫完者帖木兒奏江南諸道  
行御史臺衙門嘗奉旨於紹興路開設近因道梗湖  
南湖北廣東廣西海北江西福建等處凡有文書北  
至南臺風信不便徑申內臺未委事情虛實宜於福  
建置分臺給降牌信俾湖南湖北廣東廣西海北江  
西福建各道文書由分臺以達內臺於事體為便有  
旨從之十一月仍置河東廉訪司于真寧

行宣政院元統二年正月革罷廣教總管府一十六  
處置行宣政院于杭州除院使二員同知二員副使  
二員同僉院判各一員首領官經歷二員都事知事  
照磨各一員令史八人譯史二人宣使八人至元二  
年五月西番寇起置行宣政院以也先帖木兒為院  
使往討之至正二年江淞行宣政院設崇教所候行  
中書省理問官秩四品以理僧民之事  
河南山東都水監至正六年五月以連年河決為患

都水監以專疏塞之任

行都水監至正八年二月河水為患詔

於濟寧鄆城

上行都水監九年又立山東河南等處

行都水監十

一年十二月立河防提舉司隸行都水

監掌巡視河

道從五品十二年正月行都水監添設

判官二員十

六年正月又添設少監監丞知事各二

員

都水廣田使司至元二年正月置都水

廣田使司于

平江既而罷之至五年復立至正十二

年因海運不

通京師闕食詔河南窪下水泊之地置

屯田八處於

汴梁添立都水廣田使司正三品掌種

種田之事

庸田使二員副使二員僉司二員首領官經歷知事

照磨各一員司吏十二人譯史二人

都總制庸田使司至正十年置河南江北等處都總

制庸田使司定置都總制庸田使二員從二品副使

二員從三品僉司六員從四品首領官經歷二員從

六品都事二員從七品照磨兼管勾承發架閣一員

從八品蒙古必闡赤回回令史怯里馬赤知印各一

人令史十八人宣使十八人壕寨十八人典史四人

其屬官則有軍民屯田總管府凡五處置達魯花赤

各一員從三品總管各一員正五品同知各一員正

六品府判各一員從七品首領官經歷各一員從八品知事各一員從九品提控案牘兼管勾承發架閣各一員蒙古譯史各一人司吏各六人典史各二人又有農政司置農政一員正五品農丞一員正六品提控一員司吏二人又有豐盈庫置提領一員正八品大使副使各一員正九品

分司農司至正十三年正月命中書右丞悟良哈台左丞烏古孫良楨兼大司農卿給分司農司印西自西山南至保定河間北至檀順州東至遷民鎮凡係官地及元管各處屯田悉從分司農司立法募民佃

種之

大兵農司至正十五年認有水田去處置大兵農司招誘夫丁有事則乘機招討無事則栽植播種所置司之處曰保定等處大兵農使司河間等處大兵農使司武清等處大兵農使司景薊等處大兵農使司其屬有兵農千戶所共二十四處百戶所共四十八處鎮撫司各一

大都督兵農司至正十九年二月置大都督兵農司于西京以孛羅帖木兒領之從其所請也仍置分司十道專掌屯種之事

茶運司元統元年十一月復置湖廣江西榷茶都轉運司

鹽運司至正二年十一月中書省奉旨講究鹽法奏准於杭州嘉興紹興溫台四處各置檢校批驗所直隸運司專掌批驗鹽商引目均平袋法稱盤等事每所置檢校批驗官一員從六品相副官一員正七品漕運司至元二年五月京畿都漕運司添設提調官運副運判各一員九年添設海道巡防官給降正七品印信掌統領軍人水手防護糧船巡防官二員相副官二員

防禦海道運糧萬戶府至正十五年七月陞台州海道巡防千戶所爲防禦海道運糧萬戶府九月置分肅于平江

添設兵馬司至正十年十月中書省奏東南于星外妖氣見哈立兵馬司四處掌防禦之職遂置大名兵馬司東平兵馬司濟南兵馬司徐州兵馬司每司置都指揮指揮各二員副指揮各四員經歷知事提控案牘各一員譯史各二人司吏各十二人奏差各八人貼書各二十四人忽刺罕赤各二十人司獄各一員獄丞各一員十一年罷沂州分元帥府改立兵馬

指揮使司十五年十月濟寧兵馬司添設副指揮二員  
各處寶泉提舉司十二年十月置寶泉提舉司于河南行省及濟南冀寧等處凡九所江淞江西湖廣行省各一所十二年三月置銅冶場于饒州路德興縣信州路鉛山州韶州岑水凡三處每所置提領一員正八品大使一員從八品副使一員正九品流官內銓注直隸寶泉提舉司掌浸銅事

湖南道宣慰使司都元帥府至元元年六月奏淮湖南道宣慰使司兼都元帥府總領所轄路分鎮守萬戶軍馬

邦牙等處宣慰使司都元帥府至元四年十二月置先是以前地處雲南極邊就立其酋長爲帥三年一貢方物至是來貢故改立官府以獎異之

永昌等處宣慰使司都元帥府至正三年七月中書省奏闊端阿哈所分地方接連西番自脫脫木兒既沒之後無人承嗣達達人口頭疋時被西番劫奪殺傷深爲未便遂定置永昌等處宣慰使司都元帥府以治之置宣慰使三員同知二員副使二員首領官經歷知事照磨各一員令史十人蒙古譯史四人知

印二人怯里馬赤一人奏差八人典史二人

山東東西道宣慰使司都元帥府至正六年十二月改立掌開設屯田屯駐軍馬之事

荆湖北道宣慰使司都元帥府至正十一年十一月奏准荆湖北道宣慰使司兼都元帥府

浙東宣慰使司至正十二年正月添設宣慰使一員同知一員都事二員

淮東等處宣慰使司都元帥府至正十五年二月置統率濠泗義兵萬戶府并洪澤等處義兵招誘富民出丁壯五千名者爲萬戶五百名者爲千戶一百名

者爲百戶降宣勅牌面與之命置司于泗州天長縣與元等處宣慰使司都元帥府至正十五年十二月置

江州等處宣慰使司都元帥府至正十六年九月奏准宣慰使都元帥廷授佐貳僚屬命江西行省平章政事道童火你赤承制署之

河南宣慰使司至正十九年十月罷洛陽招討軍民萬戶府置宣慰使司以張俊爲宣慰使

東路都蒙古軍都元帥府至正八年正月置

分元帥府至正八年十二月以福建盜起詔汀漳二

州立分元帥府以討捕之十一月命買列的開分元帥府于沂州以鎮御東海羣盜十一年正月湖南寶慶路置分元帥府又置武分元帥府三月置山東分元帥府于登州提調登萊寧海三州三十六處海口事十二年二月置安東安豐二處分元帥府水軍元帥府至正二十六年二月置河淮水軍元帥府于孟津縣

紹熙軍民宣撫司至元四年因監察御史言四川在宋時有紹熙一府統六州二十縣一百五十二鎮近年雍梁淮甸人民見彼中田疇廣闊開墾成業者凡

河運糧二十五年內外分置漕運司二其在外者於河西務置司領接運海道糧事二十八年又用朱清張瑄之請併四府爲都漕運萬戶府一上今清垣一人掌之其屬有千戶百戶等官分爲各翼以督歲運至大西年遣官至江浙議海運事時江東寧國池饒建康等處運糧率令海船從揚子江逆流而上江水湍急又多石磯走沙漲淺糧船俱壞歲歲有之人湖廣江西之糧運至真州泊入海船船大底小亦非江中所宜於是以嘉興松江入糧并江淮江浙財賦府歲糧辦充運海清之利蓋至是博矣凡運糧每石有

脚價鈔至元二十一年給中統鈔八兩五錢其後近  
減至于六兩五錢至大二年以福建浙東船戶至平  
江載糧者道遠費廣通增為至元鈔一兩六錢香糯  
一兩七錢四年又增為二兩香糯二兩八錢稻穀一  
兩四錢延祐元年斟酌遠近復增其價福建船運糙  
粳米每石一十三兩溫台慶元船運糙粳香糯每石  
一十兩五錢紹興浙西船每石一十一兩白粳價同  
稻穀每石八兩黑豆每石依糙白糧例給焉初海運  
之道自平江劉家港入海經揚州路通州海門縣黃  
連沙頭萬里長灘開洋沿山嶼而行抵淮安路鹽城

置立

民鎮撫所廢為軍民千戶所

團練安撫勸農使司至正十八年九月置奉元延安

等處團練安撫勸農使司于耀州鞏昌等處團練安

撫勸農使司于邠州以行省丞相朶朶行臺大夫完

者帖木兒領之各設叅謀一人每道置使二人同知

副使各二人檢督六人經歷知事照磨各一人

少禦使至正十七年正月准山東分省咨團結義兵

州添設州判三員每縣添設主簿三員詔有司正

以兼防禦使事聽宣慰使司節制

田使司至正十五年十二月置軍民屯田使司于

沛縣正三品

屯田打捕總管府至元四年五月并兩淮屯田打捕總管府為正三品

黎兵萬戶府元統二年十月湖廣行省咨海南僻在

極邊南接占城西隣交趾環海四千餘里中盤百洞

黎獠雜居宜立萬戶府以鎮之中書省奏准依廣西

屯田萬戶府例置黎兵萬戶府萬戶三員正二品千

戶所一十三處正五品每所領百戶所八處正七

水軍萬戶府至正十三年十月置水軍都萬戶府于

崑山州以淵東宣慰使納麟哈刺為正萬戶宣慰使

董搏霄為副萬戶十四年二月立鎮江水軍萬戶六

命江淞行省右丞佛家問鑑之十五年十月置水軍

萬戶府于黃河小清河

義兵萬戶府至正十四年二月詔河南淮南兩省並

立義兵萬戶府五月置南陽鄧州等處毛胡盧義兵

萬戶府募土人為軍免其差役令討賊自効先是

人自相團結號毛胡盧故因以名之十五年四月

汴梁等處義兵萬戶府十二

于宿州及武安州

招討軍民萬戶府至正二十年以鞏縣為招討軍

萬戶府二十六年三月置嵩州軍民招討千戶府  
義兵千戶所至正十年七月中書奏准於廣西平樂  
等古城竹山院桑江隘尊化鄉刺場嶺湖南道州路  
武岡路湖北靖州路等處置義兵千戶所每所置千  
戶一員彈壓一員百戶十員仍於義兵內推選才勇  
功能充千戶彈壓百戶之職首領官都目各一員於  
本省都吏目選內注授並從本道帥府鄧制湖南道  
州二處千戶所於帥府分司處設立本司調遣湖北  
靖州一處從本省標撥鎮守調遣總定九十六員給  
降宣勅牌面印信十三年十一月立義兵千戶水軍

千戶所于江西

奉使宣撫至正五年十月遣官分道奉使宣撫布宣  
德意詢民疾苦疏滌冤滯蠲除煩苛體察官吏賢否  
明加黜陟有罪者四品以上停職申請五品以下就  
便處決民間一切興利除害之事悉聽舉行其餘必  
合上聞者條具入告兩湖江東道以江西行省左丞  
忽都不丁吏部尚書何執禮爲之宣政院都事吳密  
爲首領官江西福建道以雲南行省右丞散散將作  
院使王士弘爲之國子典簿孟昉爲首領官江南湖  
廣道以大都路達魯花赤拔實江淞叅政秦從德爲

之留守司都事月忽難爲首領官海北廣東道以平  
江路達魯花赤左答納失理都水使賈惟異爲之都  
水照磨楊文在爲首領官燕南山東道以資正院使  
蠻子兵部尚書李獻爲之太醫院都事賈魯爲首領  
官河東陝西道以兵部尚書不花樞密院判官靳義  
爲之翰林應奉王斷善爲首領官山北遼東道以宣  
政院同知伯家奴宣徽僉院王也速迭兒爲之工部  
主事明理不花爲首領官雲南省以荆湖宣慰阿乞  
刺兩淛鹽運使杜德遠爲之通政院都事楊矩爲首  
領官甘肅永昌道以上都留守阿牙赤陝西行省左

丞王紳爲之沁源縣尹喬遜爲首領官四川省以大  
都留守荅爾麻失里河南叅政王守誠爲之宣政院  
都事武祺爲首領官京畿道以西臺中丞定定集賢  
侍講學士蘓天爵爲之大史院都事留思誠爲首領  
官河南江北道以吏部尚書定僧宣政院僉院魏景  
道爲之中書檢校哈爾丹爲首領官至正十七年九  
月詔以中書左丞也先不花御史中丞成遵奉使宣  
撫彰德大名廣平東昌東平曹濮等處獎厲將帥  
經畧使至正十八年九月初六日命經畧使問民疾  
苦招諭叛逆果有怙終不悛總督一應大小官吏治

兵哀粟精練士卒審用成筭申明紀律先定江西湖廣江淞福建諸處併力犄角務收平復之効不尚屠戮之威江南各省民義忠君親上姓名不能上達者優加撫存量才驗功授以官爵旌表孝子順孫義夫節婦高年耆德常令有司存恤鰥寡孤獨選官二員為經畧使叅謀官辟名士一人掌案牘設行軍司馬一員秩正五品掌軍律

選舉附錄

科目

元以科目取士自延祐至元統凡七科具見前志既罷後興之後至正二年二月戊寅廷試舉人賜拜住陳祖仁等進士及第進士出身同進士出身有差凡七十有八入國子生員十有八人蒙古人六名從六品出身色目人六名正七品出身漢人南人共六名從七品出身五年三月辛卯廷試舉人賜普顏不花張士堅等進士及第進士出身同進士出身有差如前科之數國子生員亦如之八年三月癸卯廷試舉人

人賜阿魯輝帖穆而王宗哲等進士及第進士出身  
同進士出身有差如前得之數國子生負亦如之是  
年四月甲申書者奏准監學生負每歲取及分生負四  
十人三年應貢會試者凡一百二十人除例取十八  
人外今後再取副榜二十人於內蒙古色目各四名  
前二名充司給下二名充侍儀舍人漢人取一十二  
人前三名充學正司樂次四名充學錄典簿管勾以  
下五名充舍人不願者聽其還齊十一年二月丙辰  
廷試舉人賜及列國文允中等進士及第進士出身  
同進士出身有差凡八十有三人國子生負如舊制

十二年三月有旨省院臺不用南人似有偏負天下  
四海之內莫非吾民宜依世祖時用人之法南人有  
才學者皆令用之自是累科南方之進士始有為御  
史為憲司官為尚書者矣十四年三月乙巳廷試舉  
人賜薛朝瑤牛繼志等進士及第進士出身同進士  
出身有差凡六十有二人國子生負如舊制十七年  
三月廷試舉人賜倪微王宗嗣等進士及第進士出  
身同進士出身有差凡五十有一人國子生負如舊  
制十九年中書省丞盧遵建言來自素裕以來首五  
十年雖無兵禍常設寫試名額以待四方進士今淮

南河南山東四川遼陽等處及江南各省所屬州縣  
避兵士民會集京師如依前代故事別設流寓鄉試  
之科令避兵士民就試許在京官員及諸侍掾譯史  
人等繫其鄉里親戚者結罪保舉行移太都路印卷  
驗其人數添差試官別為考校依各處元額選合格  
者充之則國有得人之效野無遺賢之歎矣既而監  
察御史亦建言此事中書送禮部定擬旨經殘破處  
所其鄉試元額蒙古色目漢人南人總計一百三十  
有二人如今流寓儒人應試名數難同全盛之時其  
寓試解額合照依元額減半量擬取合格蒙古色目

各十五名漢人二十  
八十五名通六十有五名  
中書省奏准如所擬行之而是歲福建行中書省初  
設鄉試定取七人為額而江西流寓福建者亦與試  
焉通取十有五人充貢于京師而陝西行省平章政  
事察罕帖木兒又請今歲八月鄉試河南舉人及避  
兵儒士不拘籍貫依河南省元額數就陝州置貢院  
應試詔亦從之二十年三月廷試舉人賜買住魏元  
禮等進士及第進士出身同進士出身有差凡三十  
有五人國子生貢如舊制二十三年三月丁未廷試  
舉人賜寶寶揚朝等進士及第進士出身同進士出

身有差凡六十有二  
人國子生真如舊制是年六月  
中書省奏江浙福建  
舉人涉海道以趨京有六人者  
已後會試之期宜授  
以教授之職其下第三人亦以  
教授之職授之非徒  
慰其跋涉險阻之勞亦以激勸  
遠方忠義之士二十  
五年皇太子撫軍河東適當大  
比之歲擴廓帖木兒  
以江南四川等處皆阻于兵其  
鄉試不廢者唯燕南  
河南山東陝西河東數道而已  
乃啓皇太子倍增鄉  
貢之額二十六年三月廷議舉  
人賜赫德溥化張棟  
等進士及第進士出身同進士  
出身有差凡七十有  
三人優其品秩第一甲授承直

郎正六品第二甲授承務郎從六品第三甲授從仕  
郎從七品國子生貢  
蒙古七名正六品色目六名從  
六品漢人七名正七  
品通二十一人兵興已後科目取  
士莫盛于斯而元之  
設科亦止於是哉云

志卷第四十一

四

志卷第四十二

元史九十三

南京國子監祭

酒黃濡炳

司業葉燦

補刊

食貨一

洪範八政食為首而貨次之蓋食貨者養生之源也民非食貨則無以為生國非食貨則無以為用是以古之善治其國者不能無取於民亦未嘗過取於民其大要在乎量入為出而已傳曰生財有大道生之者眾食之者寡為之者疾用之者舒此先王理財之道也後世則不然以漢唐宋觀之當其立國之初亦

頗有成法及數傳之後驕侈生焉往往取之無度用之無節於是漢有告緡筭舟車之令唐有借商稅間架之法宋有經總制二錢皆培民以充國卒之民困而國亡可歎也已元初取民未有定制及世祖立法一本於寬其用之也於宗戚則有歲賜於凶荒則有賑恤大率以親親愛民爲重而尤惓惓於農桑一事可謂知理財之本者矣世祖嘗語中書省臣曰凡賜與雖有朕命中書其斟酌之成宗亦嘗謂丞相完澤等曰每歲天下金銀鈔幣所入幾何諸王駙馬賜與及一切營建所出幾何其會計以聞完澤對曰歲入

之數金一萬九千兩銀六萬兩鈔三百六十萬錠然猶不足於用又於至元鈔本中借二十萬錠矣自今敢以節用爲請帝嘉納焉世稱元之治以至元大德爲首者蓋以此自時厥後國用寢廣除稅糧科差二者之外凡課之入日增月益至於天曆之際視至元大德之數蓋增二十倍矣而朝廷未嘗有一日之蓄則以其不能量入爲出故也雖然前代告緡借商經總等制元皆無之亦可謂寬矣其能兼有四海傳及百年者有以也夫故倣前史之法取其出入之制可攻者一曰經理二曰農桑三曰稅糧四曰科差五曰

海運六日鈔法七日歲課八日鹽法九日茶法十日  
酒醋課十有一日商稅十有二日市舶十有三日額  
外課十有四日歲賜十有五日常平  
義倉十有七日惠民藥局十有八日市糴十有九日  
賑卹具著於篇作食貨志

經理

經界廢而後有經理魯之履畝漢之覈田皆其制也  
夫民之強者田多而稅少弱者產去而稅存非經理  
固無以去其害然經理之制苟有不善則其害又將  
有甚焉者矣仁宗延祐元年平章章閭言經理大事

世祖已嘗行之但其間欺隱尚多未能盡實以熟田  
爲荒地者有之懼差而析戶者有之富民買貧民田  
而仍其舊名輸稅者亦有之由是歲入不增小民告  
病若行經理之法俾有田之家及各位下寺觀學校  
財賦等田一切從實自首庶幾稅入無隱差徭亦均  
於是遣官經理以章閭等往江浙尚書你咱馬丁等  
往江西左丞陳士英等往河南仍命行御史臺分臺  
鎮遏樞密院以軍防護焉其法先期揭榜示民限四  
十日以其家所有田自實于官或以熟爲荒以田爲  
蕩或以占逃亡之產或盜官田爲民田指民田爲官

田及僧道以田作弊者並許諸人首告十畝以下其  
田主及管幹佃戶皆杖七十七二十畝以下加一等  
一百畝以下一百七以上流竄北邊所隱田沒官郡  
縣正官不為查勘致有脫漏者量事論罪重者除名  
此其大略也然期限猝迫貪刻用事富民黠吏並緣  
為姦以無為有虛具于籍者往往有之於是人不聊  
生盜賊並起其弊反有甚於前者仁宗知之明年遂  
下詔免三省自實田租二年時汴梁路總管塔海亦  
言其弊於是命河南自實田自延祐五年為始每畝  
止科其半汴梁路凡減二十二萬餘石至泰定天曆  
之初又盡革虛增之數民始獲安今取其數之可攷  
者列于后云

河南省總計官民荒熟田一百一十八萬七百六  
十九項

江西省總計官民荒熟田四十七萬石四千六百  
九十三項

江浙省總計官民荒熟田九十九萬五千八十二  
項

### 農桑

農桑王政之本也太祖起朔方其俗不待蠶而衣不

待耕而食初無所事焉世祖卽位之初首詔天下國以民爲本民以衣食爲本衣食以農桑爲本於是頒農桑輯要之書于民俾民崇本抑末其睿見英識與古先帝王無異豈遼金所能比哉中統元年命各路宣撫司擇通曉農事者充隨處勸農官二年立勸農司以陳邃崔斌等八人爲使至元七年立司農司以左丞張文謙爲卿司農司之設專掌農桑水利仍分布勸農官及知水利者巡行郡邑察舉勤惰所在牧民長官提點農事歲終第其賢否轉申司農司及戶部秩滿之日注於解由戶部照之以爲殿最又命提

刑按察司加體察焉其法可謂至矣是年又頒農桑之制一十四條條多不能盡載載其所可法者縣邑所屬村疇凡五十家立一社擇高年曉農事者一人爲之長增至百家者別設長一員不及五十家者與近村合爲一社地遠人稀不能相合各自爲社者聽其合爲社者仍擇數村之中立社長官司長以教督農民爲事凡種田者立牌檄於田側書某社某人於其上社長以時點視勸誡不率教者籍其姓名以授提點官責之其有不敬父兄及兇惡者亦然仍大書其所犯于門俟其改過自新乃毀如終歲不改罰其

代充本社夫役社中有疾病凶喪之家不能耕種者衆爲合力助之一社之中災病多者兩社助之凡爲長者復其身郡縣官不得以社長與科差事農桑之術以備旱暵爲先凡河渠之利委本處正官一員以時濬治或民力不足者提舉河渠官相其輕重官爲導之地高水不能上者命造水車貧不能造者官具材木給之俟秋成之後驗使水之家俾均輸其直田無水者鑿井井深不能得水者聽種區田其有水田者不必區種仍以區田之法散諸農民種植之制每丁歲種桑棗二十株土性不宜者聽種榆柳等其數

亦如之種雜果者每丁十株皆以生成爲數願多種者聽其無地及有疾者不與所在官司申報不實者罪之仍令各社布種首宿以防饑年近水之家又許鑿池養魚并鵝鴨之數及種蒔蓮藕雞頭菱芡蒲葦等以助衣食凡荒閑之地悉以付民先給貧者次及餘戶每年十月令州縣正官一員巡視境內有蟲蝗遺子之地多方設法除之其用心周悉若此亦仁矣哉九年命勸農官舉察勤惰於是高唐州官以勤陞秩河南陝縣尹王仔以惰降職自是每歲申明其制十年令探馬赤隨處入社與編民等二十五年立行

大司農司及營田司於江南二十八年頒農桑雜令  
是年又以江南長史勸課擾民罷其親行之制命止  
移文諭之二十九年以勸農司併入各道肅政廉訪  
司增僉事二員兼察農事是年八月又命提調農桑  
官帳冊有差者驗數罰俸故終世祖之世家給人足  
天下爲戶凡一千一百六十三萬三千二百八十一  
爲口凡五千二百六十五萬四千三百三十七此其  
敦本之明効可睹也已成宗大德元年罷妨農之役  
十一年申擾農之禁力田者有賞游惰者有罰縱畜  
牧損禾稼桑棗者責其償而後罪之由是大德之治

幾於至元然旱暵霖雨之災迭見饑毀荐臻民之流  
移失業者亦已多矣武宗至大二年淮西廉訪僉事  
苗好謙獻種蒔之法其說分農民爲三等上戶地一  
十畝中戶五畝下戶二畝或一畝皆築垣墻圍之以  
時收採桑椹依法種植武宗善而行之其法出齊民  
要術等書茲不備錄三年申命大司農總挈天下農  
政脩明勸課之令除牧養之地其餘聽民秋耕仁宗  
皇慶二年復申秋辨之令惟大都等五路許耕其半  
蓋秋耕之利掩陽氣於地中蝗蝻遺種皆爲日所曝  
死次年所種必盛於常禾也延祐三年以好謙所至

植桑皆有成效於是風示諸道命以爲式是年十一月令各社出地共蒔桑苗以社長領之分給各社四年又以社桑分給不便令民各畦種之法雖屢變而有司不能悉遵上意大率視爲具文而已五年大司農司臣言廉訪司所具栽植之數書千冊者類多不實觀此則情於勸課者又不獨有司爲然也致和之後莫不申明農桑之令天曆二年各道廉訪司所察勤官內丘何主簿等凡六人情官濮陽裴縣尹等凡四人其可放者蓋止於此云

稅糧

元之取民大率以唐爲法其取於內郡者曰丁稅曰地稅此倣唐之租庸調也取於江南者曰秋稅曰夏稅此倣唐之兩稅也丁稅地稅之法自太宗始行之初太宗每戶科粟二石後又以兵食不足增爲四石至丙申年乃定科徵之法令諸路驗民戶成丁之數每丁歲科粟一石驅丁丑升新戶丁驅各半之老幼不與其間有耕種者或驗其牛具之數或驗其土地之等徵焉丁稅少而地稅多者納地稅地稅少而丁稅多者納丁稅工匠僧道驗地官吏商賈驗丁虛配不實者杖七十徒一年仍命歲書其數于冊由課稅

所申省以聞違者各杖一百逮及世祖申明舊制於是輸納之期收受之我關防之禁會計之法莫不備焉中統二年遠倉之糧命止於沿河近倉輸納每石帶收脚錢中統鈔三錢或民戶赴河倉輸納者每石折輸輕賚中統鈔七錢五年詔僧道也里可溫答失蠻儒人凡種田者白地每畝輸稅三升水地每畝五升軍站戶除地四頃免稅餘悉徵之至元三年詔寫戶種田他所者其丁稅於附籍之郡驗丁而科地稅於種田之所驗地而取漫散之戶逃於河南等路者依見居民戶納稅八年又定西夏中興路西寧州兀

十二月河南行樞密院添設院判一員十六年三月置江淞行樞密院于杭州知院二員同知二員副樞二員僉院二員同僉二員院判二員首領官經歷知事各一員斷事官二員經歷一員十八年以參政崔敬爲山東等處行樞密院副使分院于瀋州兼領屯田事十九年八月以察罕帖木兒爲河南行省平章政事兼河南山東等處行樞密院知院二十六年八月置福建江西等處行樞密院  
行御史臺至正十六年九月二十八日命太尉納麟爲江南諸道行御史臺御史大夫以次官員各依等

第選用是日御史臺奉旨移置行臺于紹興十二月  
合臺官屬開臺署事是年置河南廉訪司于沂州十  
十八年御史臺奏准江西湖東道肅政廉訪司權於  
建寧路開司署事二十二年九月權置山北廉訪司  
于惠州二十三年六月濟南路復置肅政廉訪司二  
十五年閏十月御史大夫完者帖木兒奏江南諸道  
行御史臺衙門嘗奉旨於紹興路開設近因道梗湖  
南湖北廣東廣西海北江西福建等處凡有文書北  
至南臺風信不便徑申內臺未委事情虛實宜於福  
建置分臺給降印信俾湖南湖北廣東廣西海北江  
旨從之十一月仍置河東廉訪司于興寧

西福建各道文書由分臺以達內臺於事體爲便有  
行宣政院元統二年正月革罷廣教總管府一十六  
處置行宣政院于杭州除院使二員同知二員副使  
二員同僉院判各一員首領官經歷二員都事知事  
照磨各一員令史八人譯史二人宣使八人至元二  
年五月西番寇起置行宣政院以也先帖木兒爲院  
使往討之至正二年江淞行宣政院設崇教所擬行  
中書省理問官秩四品以理僧民之事  
河南山東都水監至正六年五月以連年河決爲患

置都水監以專疏塞之任  
 行都水監至正八年二月河水為患詔於濟寧鄆城  
 立行都水監九年又立山東河南等處行都水監十  
 一年十二月立河防提舉司隸行都水監掌巡視河  
 道從五品十二年正月行都水監添設判官二員十  
 六年正月又添設少監監丞知事各一員  
 都水庸田使司至正二年正月置都水庸田使司于  
 平江既而罷之至五年復立至正十二年因海運不  
 通京師闕食詔河南窪下水泊之地置屯田八處於  
 汴梁添立都水庸田使司正三品掌種植稻田之事

冊里正以次掌之歲收其八以助充役之費凡寺觀  
 田除宋舊額其餘亦驗其多寡令出田助役焉民賴  
 以不困因并著于此云

天下歲入糧數總計一千二百一十一萬四千七百八  
 石

腹裏二百二十七萬一千四百四十九石

行省九百八十四萬三千二百五十八石遼陽省

七萬二千六十六石河南省二百五十九萬一千

二百六十九石陝西省二十二萬九千二十三石

四川省一十一萬六千五百七十四石甘肅省六

萬五百八十六石雲南省二十七萬七千七百一十九石江浙省四百四十九萬四千七百八十三石江西省一百一十五萬七千四百四十八石湖廣省八十四萬三千七百八十七石  
江西三省天曆元年夏稅鈔數總計中統鈔一十四萬九千二百七十三錠三十三貫

江浙省五萬七千八百三十錠四十貫

江西省五萬二千八百九十五錠一十一貫

湖廣省一萬九千二百七十八錠二貫

科差

科差之名有二曰絲料曰包銀其法各驗其戶上而下而科焉絲料之法太宗丙申年始行之每二戶出絲一斤并隨路絲線顏色輸于官五戶出絲一斤并隨路絲線顏色輸于本位包銀之法憲宗乙卯年始定之初漢民科納包銀六兩至是止徵四兩二兩輸銀二兩折收絲絹顏色等物逮及世祖而其制益詳中統元年立十路宣撫司定戶籍科差條例然其戶大抵不一有元管戶交叅戶漏籍戶協濟戶於諸戶之中又有絲銀全科戶減半科戶止納絲戶止納鈔戶外又有攤絲戶諸也速解兒所管納絲戶復業戶

并漸成丁戶戶既不等數亦不同元管戶內絲銀全科係官戶每戶輸係官絲一斤六兩四錢包銀四兩全科係官五戶絲戶每戶輸係官絲一斤五戶絲六兩四錢包銀之數與係官戶同減半科戶每戶輸係官絲八兩五戶絲三兩二錢包銀二兩止納係官絲戶若上郡隆興西京等路十戶十斤者每戶輸一斤大都以南等路十戶十四斤者每戶輸一斤六兩四錢止納係官五戶絲戶若戶輸係官絲一斤五戶絲六兩四錢交叅戶內絲銀戶每戶輸係官絲一斤六兩四錢包銀四兩漏籍戶內止納絲戶每戶輸絲之

數與交叅絲銀戶同止納鈔戶初年科包銀一兩五錢次年遞增五錢增至四兩併科絲料協濟戶內絲銀戶每戶輸係官絲十兩二錢包銀四兩止納絲戶每戶輸係官絲之數與絲銀戶同攤絲戶每戶科攤絲四斤儲也速解兒所管戶每戶科細絲其數與攤絲同復業戶并漸成丁戶初年免科第二年減半第三年全科與舊戶等然絲料包銀之外又有俸鈔之科其法亦以戶之高下爲等全科戶輸一兩減半戶輸五錢於是以合科之數作大門攤分爲三限輸納被災之地聽輸他物折焉其物各以時估爲則凡儒

士及軍站僧道等戶皆不與二年復定科差之期絲料限八月包銀初限八月中限十月末限十二月三年又命絲料無過七月包銀無過九月及平江南其制益廣至元二十八年以至元新格定科差法諸差稅皆司縣正官監視人吏置局均科諸夫役皆先富強後貧弱貧富等者先多丁後少丁成宗大德六年又命止輸絲戶每戶科俸鈔中統鈔一兩包銀戶每戶科二錢五分攤絲戶每戶科攤絲五斤八兩絲料限八月包銀俸鈔限九月布限十月大率因世祖之舊而增損云

科差總數

中統四絲七十一萬二千一百七十一斤年鈔五萬六千一百五十八錠

至元二年絲九十八萬六千九百一十二斤包銀等鈔五萬六千八百七十四錠布八萬五千四百一十二疋

至元三年絲一百五萬三千二百二十六斤包銀等鈔五萬九千八十五錠

至元四年絲一百九萬六千四百八十九斤鈔七萬八千一百二十六錠

天曆元年包銀差發鈔九百八十九錠貳一百一十三萬三千一百一十九索絲一百九萬八千八百四十三斤絹三十五萬五百三十疋綿七萬二千一十五斤布二十一萬一千二百二十三疋

### 海運

元都於燕去江南極遠而百司庶府之繁衛士編民之衆無不仰給於江南自丞相伯顏獻海運之言而江南之糧分爲春夏二運蓋至於京師者一歲多至三百萬餘石民無輓輸之勞國有儲蓄之富豈非一代之良法歟初伯顏平江南時嘗命張瑄朱清等以

者爲百戶降宣勅牘面與之命置司于泗州天長縣興元等處宣慰使司都元帥府至正十五年十二月置

江州等處宣慰使司都元帥府至正十六年九月奏准宣慰使都元帥廷授佐貳僚屬命江西行省平章政事道童火你赤承制署之

河南宣慰司至正十九年十月罷洛陽招討軍民萬戶府置宣慰司以張俊爲宣慰使

東路都蒙古軍都元帥府至正八年正月置

分元帥府至正八年十二月以福建盜起詔汀漳泉

州立分元帥府以討捕之十一月命買列的開分元帥府于沂州以鎮禦東海羣盜十一年正月湖南寶慶路置分元帥府又置寶武分元帥府三月置山東分元帥府于登州提調登萊寧海三州三十六處人口事十二年二月置安東安豐二處分元帥府水軍元帥府至正二十六年二月置河淮水軍元帥府于孟津縣

紹熙軍民宣撫司至元四年因監察御史言四川在宋時有紹熙一府統六州二十縣一百五十二舖近年雍梁淮甸人民見彼中田疇廣闊開墾成業者凡

二十餘萬戶省部議定遂奏准置紹熙等處軍民鎮撫司正官六員宣撫使同知副使各二員首領官二員經歷知事提控案牘各一員司獄一員蒙古儒學教授各一員令史八人譯使知印怯里馬赤各一人奏差四人所隸資普昌隆下州四處盤石內江安岳昌元貴平下縣五處巡檢司一十三處名設官如員又置都總使司命御史大夫脫脫兼都總使治書侍御史吉當普爲副都總使至元六年十一月中書又因臺臣言裁減冗官事遂罷紹熙軍民宣撫司永順宣撫司至正十一年四月改陞永順安撫司爲

宣撫司

平緬宣撫司至正十五年八月以雲南宛可伐等降令其子莽三入貢方物乃置平緬宣撫司以驕縻之忠孝軍民安撫司至正十一年七月革罷四川省所轄大奴管勾等洞長官司立忠孝軍民府至十五年四月詔改爲忠孝軍民安撫司

忠義軍民安撫司至正十五年四月罷四川羊母甲洎臭南王洞長官司置忠義軍民安撫司又罷盤順府置盤順軍民安撫司

宣化鎮南五路軍民府至正十五年四月命於四川

縣歷西海州海寧府東海縣密州膠州界放靈山洋投東北路多淺沙行月餘始抵成山計其水程自上海至揚村馬頭凡一萬二千三百五十里至元二十九年朱清等言其路險惡復開生道自劉家港開洋至撐脚沙轉沙嘴至三沙洋子江過匾檐沙大洪又過萬里長灘放大洋至青水洋又經黑水洋至成山過劉島至芝罘沙門二島放萊州大洋抵界河口其道差爲徑直明年千戶殷明略又開新道從劉家港入海至崇明州三沙放洋向東行入黑水大洋取成山轉西至劉家島又至登州沙門島於萊州大洋入界

元史志卷四十一  
河當舟行風信有時自浙西至京師不過旬日而已視  
前二道爲最便云然風濤不測糧船漂溺者無歲無  
之間亦有船壞而棄其米者至元二十三年始責償於  
運官人船俱溺者乃免然視河漕之費則其所得蓋多矣歲  
運之數

至元二十年四萬六千五十石至者四萬二千一  
百七十二石 二十一年二十九萬五百石至者  
二十七萬五千六百一十石 二十二年一十萬  
石至者九萬七百七十一石 二十三年五十七  
萬八千五百二十石至者四十三萬三千九百五

石 二十四年二十萬石至者二十九萬七千五  
百四十六石 二十五年四十萬石至者三十九  
萬七千六百五十五石 二十六年九十三萬五  
千石至者九十一萬九千九百四十三石 二十  
七年一百五十九萬五千石至者一百五十一萬  
三千八百五十六石 二十八年一百五十二萬  
七千二百五十石至者一百二十八萬一千六百  
一十五石 二十九年一百四十萬七千四百石  
至者一百三十六萬一千五百一十三石 三十  
年九十萬八千石至者八十八萬七千五百九十

一石 三十一年五十一萬四千五百三十三石  
 至者五十萬三千五百三十四石 元貞元年三  
 十四萬五百石 二年三十四萬五百石至者三  
 十三萬七千二十六石 大德元年六十五萬八  
 千三百石至者六十四萬八千一百三十六石  
 二年七十四萬二千七百五十一石至者七十萬  
 五千九百五十四石 三年七十九萬四千五百  
 石 四年七十九萬五千五百石至者七十八萬  
 八千九百一十八石 五年七十九萬六千五百  
 二十八石至者七十六萬九千六百五十石 六

年一百三十八萬三千八百八十三石至者一百  
 三十二萬九千一百四十八石 七年一百六十  
 五萬九千四百九十一石至者一百六十二萬八  
 千五百八石 八年一百六十七萬二千九百九  
 石至者一百六十六萬三千三百一十三石 九  
 年一百八十四萬三千三石至者一百七十九萬  
 五千三百四十七石 十年一百八十萬八千一  
 百九十九石至者一百七十九萬七千七十八石  
 十一年一百六十六萬五千四百二十二石至  
 者一百六十四萬四千六百七十九石 至大元

年一百二十四萬一百四十八石至者一百二十  
 萬二千五百三石 二年二百四十六萬四千二  
 百四石至者二百三十八萬六千二百石 三年  
 二百九十二萬六千五百二十三 至者二百七  
 十一萬六千九百十三石 四年二百八十七萬  
 三千二百一十二石至者二百七十七萬三千二  
 百六十六石 皇慶元年二百八萬三千五百五  
 石至者二百六萬七千六百七十二石 一年二百  
 三十萬七千二百二十八石至者二百一十五萬八  
 千六百八十五石 延祐元年二百四十萬三千二

百六十四石至者二百三十五萬六千六百六石  
 二年二百四十三萬五千六百八十五石至者  
 二百四十二萬二千五百五石 三年二百四十  
 五萬八千五百一十四石至者二百四十三萬七  
 千七百四十一石 四年二百三十七萬五千三  
 百四十五石至者二百三十六萬八千一百一十  
 九石 五年二百五十五萬二千七百一十四石  
 至者二百五十四萬三千六百一十一石 六年  
 三百二萬一千五百八十五石至者二百九十八  
 萬六千一十七石 七年三百二十六萬四千六

石至者三百二十四萬七千九百二十八石 至  
 治元年三百二十六萬九千四百五十一石至者  
 三百一十三萬八千七百六十五石 二年三百  
 二十五萬一千一百四十石至者三百二十四萬  
 六千四百八十三石 三年二百八十一萬一千  
 七百八十六石至者二百七十九萬八千六百一  
 十三石 泰定元年二百八萬七千二百三十一  
 石至者二百七萬七千二百七十八石 二年二  
 百六十七萬一千一百八十四石至者二百六十  
 三萬七千五十一石 三年三百三十七萬五千

七百八十四石至者三百三十五萬一千三百六  
 十二石 四年三百一十五萬二千八百二十石  
 至者三百一十三萬七千五百三十二石 天曆  
 元年三百二十五萬五千二百二十 三百  
 二十一萬五千四百二十四石 二年二百五十  
 二萬五千一百六十三石至者三百三十四萬三  
 十六石

鈔法

鈔舉于唐之飛錢宋之交會金之交鈔 以物為  
 母鈔為子子母相權而行郵周官 劑之意也元初

倣唐宋金之法有行用鈔其制無父無母 世祖中  
統元年始造交鈔以絲爲本每銀 絲鈔一

千兩諸物之直並從絲例是年十月又 統元寶

鈔其文以十計者四曰一十文二十文三十文五十

文以百計者三口一百文二百文五百文以貫計者

二曰一貫文二貫文每一貫同交鈔一 兩貫同白

銀一兩又以文綾織爲中統銀貨其 五曰一兩

二兩三兩五兩十兩每一兩同白銀一兩而銀貨蓋

米及行云五年設各路平準庫主平物價便相依準

不至低昂仍給鈔一萬二千錠以爲鈔 至元十二

寧添造釐鈔其例有三曰二文三文五文初鈔印周

米爲板十三年鑄銅易之十五年以釐鈔不便於民

復命罷印然元寶交鈔行之既久物重鈔輕二十四

年遂改造至元鈔自二貫至五文凡十有一等與中

統鈔通行每一貫文當中統鈔五貫文依中錠之初

隨路設立官庫貿易金銀平準鈔法每花銀一兩入

庫其價至元鈔二貫出庫二貫五分赤金一兩入庫

二十貫出庫二十貫五百文僞造鈔者處死首告者

賞鈔五錠仍以犯人家產給之其法爲最善至大二

年武宗復以物重鈔輕改造至大銀鈔自二兩至二

建定爲一十二等每一兩準至元鈔五貫白銀一兩赤金一錢元之鈔法至是蓋三變矣大抵至元鈔五倍於守統至大鈔又五倍於至元然未及期年仁宗卽位以倍數太多輕重失宜遂有罷銀鈔之詔而中統至元二鈔終元之世蓋常行焉凡鈔之昏爛者至元二年委官就交鈔庫以新鈔倒換除工墨三十文三年減爲二十文二十二年復增如故其貫伯分明微有破損者並令行用違者罪之所倒之鈔每季名路就令納課正官解赴省部焚毀隸行省者就焚之大德二年戶部定昏鈔爲二十五樣泰定四年又定

焚毀之所皆以廉訪司官監臨隸行省者行省官同監其制之大略如此若錢自九府園法行于成周歷代未嘗或廢元之交鈔寶鈔雖皆以錢爲文而錢則弗之鑄也武宗至大三年初行錢法立資國院泉貨監以領之其錢曰至大通寶者一文準至大銀鈔一釐曰大元通寶者一又準至大通寶錢一千文歷代銅錢悉依古例與至大錢通用其當五當三折二並以舊數用之明年仁宗復下詔以鼓鑄弗給新舊資用其弊滋甚與銀鈔皆廢不行之立院監亦皆罷革而專用至元中統鈔云歲印鈔數

元史志卷四十二  
三  
中統元年中統鈔七萬二千三百五十二錠  
二年中統鈔三萬九千一百三十九錠  
三年中統鈔八萬錠  
四年中統鈔七萬四千錠  
至元元年中統鈔八萬九千二百八錠  
二年中統鈔二萬六千二百八錠  
三年中統鈔七萬七千二百五十二錠  
四年中統鈔一十萬九千四百八十八錠  
五年中統鈔二萬九千八百八十錠  
六年中統鈔二萬二千八百九十六錠  
七年中統鈔九萬六千七百六十八錠  
八年中統鈔四萬七千錠  
九年中統鈔八萬六千二百五十四錠

六錠  
十年中統鈔一十一萬一百九十二錠  
十一年中統鈔二十四萬七千四百四十錠  
十二年中統鈔三十九萬八千一百九十四錠  
十三年中統鈔一百四十一萬九千六百六十五錠  
十四年中統鈔一百二萬一千六百四十五錠  
十五年中統鈔一百二萬三千四百錠  
十六年中統鈔七十八萬八千三百二十錠  
十七年中統鈔一百一十三萬五千八百錠  
十八年中統鈔一百九萬四千八百錠  
十九年中統鈔九十六萬九千四百四十四錠  
二十年中統鈔六

十一萬六千二百二十錠	二十一年中統鈔六十二萬九千九百四錠	二十二年中統鈔二百四萬三千八十錠	二十三年中統鈔二百一十八萬一千六百錠	二十四年中統鈔八萬三千二百錠	至元鈔一百萬一千一十七錠	二十五年至元鈔九十二萬一千六百二十二錠	二十六年至元鈔一百七十八萬九千三百三錠	二十七年至元鈔五十萬二千五百五十錠	二十八年至元鈔五十萬	二十九年至元鈔五十萬錠	三十年至元鈔二十六萬錠	三十一年至元鈔一十九萬
------------	-------------------	------------------	--------------------	----------------	--------------	---------------------	---------------------	-------------------	------------	-------------	-------------	-------------

萬三千七百六錠	元貞元年至元鈔三十一萬	錠	二年至元鈔四十萬錠	大德元年至元鈔四十萬錠	二年至元鈔二十九萬九千九百一十錠	三年至元鈔九十五萬	四年至元鈔六十萬錠	五年至元鈔五十萬錠	六年至元鈔二百萬錠	七年至元鈔一百五十萬錠	八年至元鈔五十萬錠	九年至元鈔五十萬錠	十年至元鈔一百萬錠	十一年至元鈔一百萬錠	至大元年至元鈔一百萬錠	二年至元鈔一百萬錠	三年至大銀鈔一百四十五錠
---------	-------------	---	-----------	-------------	------------------	-----------	-----------	-----------	-----------	-------------	-----------	-----------	-----------	------------	-------------	-----------	--------------

三百六十八錠 四年至元鈔二百一十五萬錠

中統鈔一十五萬錠 皇慶元年至元鈔二百二

十二萬三千三百三十六錠中統鈔一十萬錠

二年至元鈔二百萬錠中統鈔二十萬錠 延祐

元年至元鈔二百萬錠中統鈔一十萬錠 二年

至元鈔一百萬錠中統鈔一十萬錠 三年至元

鈔四十萬錠中統鈔一十萬錠 四年至元鈔四

十八萬錠中統鈔一十萬錠 五年至元鈔四十

萬錠中統鈔一十萬錠 六年至元鈔一百四十

八萬錠中統鈔一十萬錠 七年至元鈔一百四

十八萬錠中統鈔一十萬錠 至治元年至元鈔

一百萬錠中統鈔五萬錠 二年至元鈔八十萬

錠中統鈔五萬錠 三年至元鈔七十萬錠中統

鈔五萬錠 泰定元年至元鈔六十萬錠中統鈔

一十五萬錠 二年至元鈔四十萬錠中統鈔一

十萬錠 三年至元鈔四十萬錠中統鈔一十萬

錠 四年至元鈔四十萬錠中統鈔一十萬錠

天曆元年至元鈔三十一萬九百二十錠中統鈔

三萬五百錠 二年至元鈔一百一十九萬二千

錠中統鈔四萬錠

天眷元

餘四半至元餘四萬餘中餘

十萬餘 二半至元餘四十萬餘中餘餘一十萬

一十正萬餘 二半至元餘四十萬餘中餘餘一

餘正萬餘 二半至元餘六十萬餘中餘餘

餘中餘餘正萬餘 二半至元餘六十萬餘中餘

一百萬餘中餘餘正萬餘 二半至元餘八十萬

十八萬餘中餘餘一十萬餘 二半至元餘

